



*EM NIKARIN
BISEKININ*

*di rêya Swêdê dike baştirîn welatê
cîhanê ku mirov tê de bijî*

WELATÊ DERFETAN EM BI HEV RE AVA DIKIN

Em dixwazin welatê Swêdê bibe welatê derfetan û bêyî ku mirov li paşxanê xelkê binêre, her kes bikaribe ji xwe re pêşve here û para xwe ya berpirsiyariya di nav civatê de werbigire. Ev yek Swêdê bi hêztir dike. Lê belê îroj tiştêkî din li pêş çav e. Piraniya xelkê, rastî deriyê girtî tên. Pileya bêkariyê di asteke pir bi xeter de ye – bi taybetî jî di nav ciwanan de. Personel di civata têrûtijî de ji kar têne derxistin. Li heman demê jî, firma rastî diwariyên peydakirina kompetensa rastîn tên. Gelo divê kî cirma vê bide gava ku li her rewşî bac bête daxistin?

Mirov dikare berê xwe bide aliyekî din, ku pir kes bikaribin bibin xwedî jiyanê dewlemend. Ev yek hewildanên bi armancên diyar divên. Gelek cihên din yê perwerdeyê, gelek cihên din yê ji bo avakirina xaniyan, komekî ji bo firmayên ku derfeten kar didin ciwanên bêkar, gelek hesinrêyan din yê ji bo leztrênan. Gava kar bêhtir bibe ev tete maneya aboriyê baştir. Wê gavê em ê bikanibin kar bidin gelek kesan û kalîteya xwendegê û sexbêriya nexweşan bilindtir bikin – û bêhtirbûna qeliştêka di navbera mirovan de kêmtir bikin. Bi vê yekê re, karên nû dihêne peyda kirin û aborî bi hêz dibe û ber bi pêşve diçe. Karê aqilane ew e ku mirov pirsgirêkan bi hev re çareser bike, ne ku ciwanan li hember kesên bi'emir, nexweşan li hember saxleman, mêran li hember jinan û bêkaran jî li hember kardaran rake. Welatê Swêdê ji kêmbûna qeliştêkan û bêhtirbûna wekhevîyê qezencê dike.

Tu dê roja 19ê îlonê hilbijêrî. Gelo divê Swêd bibe welatekî firsêndên ji bo kar yê pirtir, tevî têrûtijîbûnê ji tevaya welatiyan re û xwedî bawerîya ji pêşerojê re – yan divê em hê çar salên din jî li bêhtirbûna van qeliştêkan temaşe bikin?

Em xwedî wê bawerîyê ne, ku gava gelek kes bibin kardar bin û bikaribin xewnên xwe rast begerînin, dê hingê welatê Swêdê bêtir xurttir bibe.

Ma te divê tu bi me re bî?



Mona Sahlin

EM JI BER BERPIRSIYARYÊN XWE YÊN JI BO SWÊDÊ NIKANRIN BISEKININ

Gelo Swêd ketiye ser riyeke şaş? Bi pileya herî bilind ya bêkariya ciwanan ya li Ewropayê, em nikarin di pêşerojê de serkeftî bin. Ev siyaseteke bêberpirsiyarî ya aboriyê ye. Me budçeya sala 2006an bi serzêdeyîyê 70 milyar kronî dewr kir. Hikûmet hema di nav çend salan de ev zivirand ser jêkêmiyê zêde.

Bac, piranî ji bo kesên xwedî hatineke bilind ya salane, bi pereyên deynkirî hat daxistin. Li hember vê jî, sermayerazandina ji bo kar, perwerdeyê û civata têrûtijî çênebû. Encama vê kirinê, wek pileya bilind a bêkariyê, wek li xwendegêkan kêmbûna mamosteyan û wek dirêjbûna dorê li nexweşxaneyan, li ber çavan e.

Me berê welatê Swêdê ji aloziyên aborî rizgar kiribû. Loma em dizanin siyaseteke xwedî berpirsiyarî, bêkariyê ji holê radike. Yê ku aboriya Swêdê mezin dike, kar bi xwe ye. Loma em dixwazin baca li ser firmayên biçûk kêmtir bikin û sermayeyê li ser nûyîti, lêkolîn û pêşketinê razînin.

Û her wisa jî, em dixwazin li ser perwerdeya ku kar diafirîne sermayeya xwe razînin. Em pêşniyara liserhev 100 000 karên nûdestvehatî dikin. Wek cihên pratîk û perwerdeyê. Em dizanin gava ku mirov bibin xwedî derfet, hingê kar jî pir dibe. Hingê sermaye bi me re dimîne, ku em kalîteya xwendegêkan, sexbêriya nexweşan û guhpêdanê bilind bikin. Siyaseteke bi berpirsiyarî ya aboriyê, pêşiya mazinbûnê vedike û di civatê de xwedî li têrûtijîbûnê û dadimendiyê derdikeve.

- Siyaseteke bi berpirsiyarî ya aboriyê.
- Berî her tiştî kar.
- Xwendegêkan, sexbêriya nexweşan û guhpêdan berî daxistina bacê tên.

Ji Ciwanan Re Bêhtir Kar

Pileya bêkariya ciwanan ya li Swêdê, pileya herî bilind a Ewropayê ye. Lê dîsan jî, berî ku pratîkekê yan perwerdeyekê bidin ciwanan, li Daîreya Karî, wan bi kêmanî çend sê mehekê didin rawestandî. Gelek caran ev dirêjtir jî diajo. Qedexeya çalakiyê sext û dijwar e.

Hukûmet hejmara cihên li Komvuxê kêmtir kiriye. Pişka ciwanên ku li xwendegeha bilind dixwînin kêmtir bûye. Gava pêwîstî bi cihên perwerdeyê hebe, cih pir kêmtir hene. Ev destbelayiya bi heyinên mirovî û hem jî bi heyinên aboriyê ye.

Em dixwazin pêşmîniyê bidin jêhatîbûn û kapasîteya ciwanan a li ser dewlemendiya hizrî. Loma divê qedexeya çalakiyê ya li Daîreyên Karî ji holê bêne rakirin. Ciwanên ku pêwîstiya wan bi pratîkê yan jî bi perwerdeyê hene, gerek e ne hewcedar bin ku belasebeb li bendê bêne hiştin. Em dixwazin li ser firmayan, xerxa karkardêran ya dema kardayîna ji bo ciwanên bêkar kêmtir bikin, her wisa jî, ji bo 20 000 cihên pratîk û cihên perwerdeyê sermaye daynin.

Ciwanên welatê Swêdê pêşeroja me tevan e. Loma divê em li ser vê yekê haydar bin, ku baweriya wan bi pêşeroja wan neşikê.

- Divê sermaye li ser ciwanên ku hîna ji roja pêşî ya bêkariyê pêwîstiya wan heye, bi aktîfî bête razandin.
- Ji bo ciwanan 20 000 cihên pratîk û cihên perwerdeyê
- Li ser firmayan, xerxa kardêran ya dema kardayîna ji bo ciwanên bêkar, kêmtir bikin.

Gava ku Gelek Kes Komekîyê Bikin Alîkariya Sosyalê Jî Kêmtir Dibe

Swêd welatekî bêhed xweş e, lê hin ewrên reş û tarî li ser Swêdê pêl vedidin. Îroj pileya bêkariyê cihê xwe zexm kiriye û alîkariya ji sosyalê li tevaya şaredariyên welêt, ji % 80yî derbas bûye.

Ji bo kesên têrdewlemend baca li ser çar yekê tevaya xelkê Swêdê hatiye daxistin. Xerxa Kasaya Bêkariyê wisa giran bûye, ku êdî derfet nîn e, ku mirov bibe endam. Li ser vê jî sîgorteya nexweşiyê hatiye xirabtirkirin, ku nexweşên giran, nexweşên bi penceşêr, bêtêmîn û bêsîgorte dimînin.

Ji hilbijartinên sala 2006an ta niha, hejmara li dervemayîna ji civatê, bi qasî 70 000 kesî zêde bûye. Ev çendî ku dirêj berdewam bike, ji bo xelkê ji navderketina vê rewşê jî, ew çend dijwar dibe. Vegerandina ser jiyaneke normal diwartir dibe. Lê belê hikûmet her dîsan jî, li ser heman xetê berdewam dike.

Em dibêjin tiştêkî xwezayî ye, ku kar û xebat berî her tiştî be. Me bawerî heye, ku gava piraniya xelkê kardar bin û bikaribin xewnên xwe rast bigerînin, hingê welatê Swêdê xurtir dibe. Niha hewildanên ji bo geşepêdanên bi zanetî gerek in. Em dixwazin baca li ser firmayên biçûk, bi 6 milyar kronan kêmtir bikin û jêdaxistina ROTê jî bilind bikin. Gelek xaniyên nû ava bikin û sermayerazandinan li ser avahiyên bingehîn ên nû bikin. Her bi vî awayî, xelk bêhtir dibin kardar. Em dixwazin ji bo peydakirina 100 000 karên nû û cihên pratîk û perwerdeyê sermaye razînin.

Em dixwazin hevgerîna civakî ya li Swêdê xurtir bikin. Divê sînorê jorîn ya di sîgorteya nexweşiyê de bête rakirin, ku nexweşên penceşêrê û nexweşên giran ên din, nekevin ber rîska bêsîgortemayînê. Ji ber vê jî, rehabilitasyon gerek e bêhtir bête lêanîn û ev bibe kesane. Em dixwazin vê guherîna ewleyî bikin, ku lêçûna ji bo mafê endametiya li sîgorteya bêkarmayînê bête daxistin: Gerek çî kesekî jî, ji bo endametiya Kasaya Bêkariyê ji ser 80 kronî bêhtir pere nede. Ji derveyê vê jî, em ê sînorê jorîn ya bihayê sîgorteyan bilind bikin, da ku gelek kes li hember windakirina hatina xwe, bibin xwedî stareyeke rastîn.

- Baca kêmtir li ser firmayên biçûk.
- 100 000 karên nû û cihên pratîk û perwerdeyê.
- Ji bo her kesî sîgorteya nexweşî û bêkarmayînê ya ewle.

JI HER KESÎ RE DI TÊRÛTIJÎBÛNÊ DE KALÎTE

Di sala dawîn de bi qasî 25 000 firsendên kar ji xwendegehan, ji sexbêriya nexweşiyê û guhpêdanê winda bûne. Ev dihêt wê maneyê, ku pir kes bêkar dimînin û kalîteya di têrûtijîbûnê xirabtir dibe. Li dibistanan baldariya li ser her şagirdekî kêmîr dibe û nexweş li odayên payînê demeke dirêj li dora xwe dipên. Di heman demê de jî hikûmet, baca li ser kesên xwedîhatineke bilind jî kêmîr dike.

Fikra me tiştêkî din e: Bi sermayerazandina li ser bêhtirkirina personelên li zarokxaneyan û xwendegehan, zarok bi awayekî baştir dest pê dikin. Dê hejmara zarokên li sefan kêmîr, lê belê hejmara mamosteyan bêhtir bibe. Em ê li sexbêriya nexweşan, bi riya bêhtirkirina hejmara personelên, dorên dirêj ên sexbêriya nexweşan kurtîr bikin û kalîteya sexbêriyê bilindîr bikin. Bi peydakirina karên nû, ku em derfêtin meydanê, gelek kes beşdarî civatê dibin û dibin xwedî berpirsiyariyê. Bi vê yekê re, em ê bibin xwedî têrûtijîbûneke hê baştir û dê derfeta gelek karên nûtir derkevin holê. Bi vî awayî em ê spîraleke erênî bidin destpêkirinê, ku dê pir kes bibin xwedî jiyaneke dewlemendîr.

Li zarokxaneyê hînbûna zarokan bi alîkariya lîstin û bihevrebûnê tête pêş xistin. Îroj zarokên ku xwedî dêbavên betaliya dêbavî ne, yan jî bêkar in, xwedî wî mafî ne, ku di hefteyekê de bi tenê 15 saetan li zarokxanê bin. Ev bisînorkirina demê, dibe sedem, ku dêbav mecbûr dimînin parçeyên demê li hevdu daynin. Ev yek ji bo gelek zarokên nabin xwedîderfet, ku tevî hevalên xwe beşdarî heman serpêhatiyan bibin, dibe xeyalşikestinek. Em dixwazin maf bidin hemû zarokan, ku di hefteyekê de 30 saet li zarokxaneyê bin.

Lê, civateke têrûtijî tête maneya azadiya hîlbijartinê. Em dixwazin ku xelk bi xwe sexbêrvanên xwe hîlbijêrin û zarok û dêbav xwe bi xwe dibistanê ji xwe re hîlbijêrin. Lê belê ev ne rewa ye ku firmayên taybetî yê sexbêriyê nexweşên bêqezenc derkenar bikin, yan jî xwendegeh zarokên ku pêwîstiya wan bi komekiyê zêde heye derkenar bikin.

- Li dibistanan sefên bêhtir û biçûktir.
- Dorên kurt ên sexbêriyê û kalîteyê baştir di sexbêriya nexweşan de.
- 30 saet zarokxane ji bo zarokên xwedî dêbavên betaliya dêbavî û bêkar.

KÊMKIRINA QELÎŞTEKAN

Feqîriya zarokan bilindtir dibe. Pileya bêkarmayîne di asteke bilind a rekorê de ye. Yekî karkenar, ji yekî mûçegir bêhtir bacê dide. Baca milk ne dadmendane ye. Çareseriyên hikûmetê, ew present daye, ku mirovên herî dewlemend bi qasî hemû hebûnên ji çaryekê tevaya xelkê Swêdê ne. Qelîştekan di navbera xelkê de kûrtir dibe.

Em pê dizanin wekhevî û qelîştekan biçûk di navbera mirovan de, reçeteya serkeftinê ne. Loma karkenar û mûçegir dê wekhev bêne bac kirin. Peryên karkenariyê mûçeya paşxistî ye - ne sedeqe ye. Her weha, em dixwazin piştgiriya ji bo dêbavên ku bi tenê dimînin, bêne bilind kirin û hewla karpeydakirina ji bo ciwanan hewla pêşemîn be. Loma em dixwazin sînorê jorîn yê peryên dêbavtiyê ya demî di wexta sexbêriya zarokên nexweş de, bête bilind kirin.

Û dê baca milk bi dadmendane bibe. Ew present bi tenê ya xaniyan, ku nîrxê milk ya backirinê ji ser 4,5 milyon kronan e, dê ji bihayê îroj bêhtir bête bac kirin. Ji bo wan 99 presentên din jî, dê baca milk, yan her weke xwe bimîne, yan jî, gava ku me qaîdeya bi sînorkirinê ber bi pêşve bir, dê hingê ji pileya îroyîn hinekî kêmîr be.

Gava ku bêhtir kes bibin xwedî derfeta beşdarbûna avakirina civatê, dê hingê em ê bikaribin sermaye xwe li ser civateka têrûtijî û ya hê baştir razînin. Gava xwendege û sexbêriya nexweşan baştir be, dê hingê hê bêhtir kes beşdarî avakirina civatê bin. Bi vê riyê em spîraleke erênî peyda dikin, ku qezence her kesekî di vê de heye.

- Baca karkenariyê rakin.
- Piştgiriya sexbêriyê û alîkariya xanî ji bo dêbavên bi tenê dimînin, bilind bikin.
- Sînorê jorîn yê peryên demî ya dêbavtiyê bilind bikin.

SOR

Bêhtir cihê kar

Em dixwazin sermayeyê li ser 100 000 cihên kar, pratîk û perwerdeyê razînin. Em dixwazin xerca kardêran ya li ser firmayên biçûk kêr bikin. Em dixwazin xaniyan û jêrxanê nûjen bikin û gelek karkerên nû di civata têrûtijî de bixin ser kar.

Ji ciwanan re derfeta karê bêhtir

Ji bo ciwanên bêkar, ku hîna ji roja pêşîn muhtac in, çalakiyên aktîf bikin – qedexeya çalakiyê ya li Daîreyên Kar rakin! Ji bo ciwanên bêkar, cihê 20 000 pratîk- û perwerdeya nû ava bikin.

Pereyên karkenarbûnê û mûçe wekhev bac bikin

Karkenarbûn ne sedeqe ye, mûçeya paşxistî ye. Pereyên karkenariyê û mûçe, gerek e wekhev bêne bac kirin. Gava ku mirov kar bike û gava ku mirov kar kiribe gerek qezenceke mirov tê de hebe.

Dibistan û sexbêriyê baş berî kêmkirina bacê têt.

Em dixwazin li ser karê civata têrûtijî sermaye xwe razînin û kalîteya sexbêriya nexweşan, guhpêdanê û dibistanê bilind bikin.

Azadiya hilbijartinê ji nexweşan re

Sexbêriya nexweşan gerek e tam bête bi kalîte kirin. Li sexbêriya nexweşan, şerîta qeymaxê qedexe bikin – sîgorteyên taybetî û xwedîpêrebûn, gerek e nekeve pêşiya mirovên hewcedar. Gerek e her kes, xwedî heman mafî be, ku bikaribe ji xwe re kîjan sexbêrvanî bixwaze, bikaribe hilbijêre, lê gerek e firmayên sexbêriyê nikaribin di nav nexweşan de hilbijartinekê bikin.

Sîgorteya nexweşiyê – beşek ji rêça xebatê

Em dixwazin sîgorteya nexweşiyê tamîr bikin. Gerek bi alîkariya mirovan rabin, da ku mirov ji xwe re bikaribin vegehin ser karê xwe û gava mirov nexweş bin, dîsan bikaribin xwedî ewletiyê aborî bin. Sînorê jorîn têtê wê maneyê, ku nexweş bêsîgorte dimînin, loma gerek e sînorê jorîn ji holê bête rakirin.

ŞÎN

Qelîşteken bêhtirbûyî

Hikûmet soza peydakirina derfeta gelek karan da – Lê belê 100 000 kar ji nav civatê kêr kir. Hikûmet soza kêmkirina lidervemayîna ji civatê da – Lê belê 70 000 kes bêhtir li derveyî civatê man. Avakirina xaniyan û çalakiya sermayerazandinê hatiye rawestandî û hejmara cihên perwerde-dayînê hatiye kêr kirin.

Gelek kes bi alîkariya sosyalê dest bi jiyana xwe ya navsere dikin

Bêkariya ciwanan ya li Swêdê, di nav welatên Yekîtiya Ewropî de, ya herî bilind e. Ji ber vê jî, gelek ciwanên ku pêwîstiya wan bi alîkariyê hene, gerek e herî kêr 3 mehan rawestin ta ku herin cihekî pratîkê yan jî perwerdeyê. Niha ji %30ê kesên ku alîkariya sosyalê werdigirin di bin salên 30î de ne.

Baca bilindtir ji karkenaran werdigirin, ne ji mûçewergiran

Hikûmet ragihandiye ku divê karkenar ji mûçewergiran bêhtir bacê bidin.

Civata têrûtijî xirab dibe gava ku bac ji bo dewlemendan têt kêr kirin

Di civata têrûtijî de 25 000 cihê kar hatine winda kirin. Hikûmet herî her tiştî, nêzikî 100 milyar kronî bac daxistiye – piranî jî, baca kesên herî dewlemend.

Şerîta qeymaxê li sexbêriyê

Hikûmet qanûnek derxistiye, ku firmayên sexbêriyê dikarin xwe li cihê ku qezenca herî bilind heye ragirin. Ne ku li cihê ku hewcedariya herî bilind heye. Nexweşên xwedî sîgorte dikarin bi pereyan ji xwe re dora xelkê bikirin.

Sîgorteya bi 10 000an kesî namîne

Hikûmet welê kir, ku bi 10 000an kes bê sîgorte man û ragihand, ku dê sînorê jorîn ya di sîgorteya nexweşiyê de li cihê xwe bimîne. Kesên nexweş gerek e ne hewce bin herin alîkariya sosyalê werbigirin. Gelo mirov çawa dikare tendurust be heger gava ku meriv feqîrtir be?

SERMAYERAZANDINA LI SER JÎNGEHÊ BI QEZENC E

Erkeke dijwar e ku mirov bikaribe berê civatê bide ser riyeye hê ewletir. Lê belê ev di heman demê de jî, deranîna derfetekê ye, heger mirov bikaribe ji bo jîngehê û ji bo peydakirina gelek karan xwedîderfet be. Em dixwazin Swêd di warê enerjîya xwetazeker de, di warê lêkolînên zanistî û avakirina xaniyên îqlîmjîr de, bibe xwedî cihekî pêşeng. Jêdaxistina ROTê ya îroyîn gerek e bi bonûseke serzêde ya îklîmê, ji bo rêzexaniyan, vîllayan, daîreyên kesane û komeleyên ji bo xaniyên kesane, bête berfireh kirin. Em dixwazin ji bo xaniyên pîmalbatî yên bi profilên îklîmî, destega ji bo jêderxistina ROTê ya nû bi kar binin.

Dê ji bo mirov û firmayan hêsantir be ku ji xwe re bikaribin kîjan rêya guhestinê bixwazin, wê hilbijêrin, loma ye ku ji bo riyên hesinî û trafîka kollektîf sermayerazandineke mazin a dîrokî gerek e. Ev yek hêza reqabet û hevrikiya Swêdê xurttir dike.

Bikaranîna bi zanetî ya çavkaniyên bacê, ji bo xweguherandina bi tesîr ya li gor îqlîmê dibe alîkar. Me pêwîstî bi navgînên birêvebirinê heye, da ku em Swêdê zûtir bixin ser rêya guherînê. Loma em di vê derbareyê de, ji bo erka dema li pêş, bersivên zelal didin. Loma em vekirî û durust dibêjin, dibe ku pêwîstî hebe baca karbondîoksîdê bête bilind kirin. Di serdema erka li pêşiya me de, dê bihayê benzînê bi giştî bi 49 Öreyan bête bilind kirin. Lê belê ji bo kesên, ku ji bo çûna bo karê xwe pêwîstî bi otomobîlê hene, tam telfî jî tete kirin. Di nav van çar salên pêşîn de, jêderxistina sefera çûnûhatina bo kar, ji bo deh kîlometreyan bi giştî bi 1.50 Kron tete bilind kirin.

Hikûmet newêre bibêje ku ew dixwazin baca benzînê çiqasî bilind bikin. Gelo dê bibe 70 Öre wek encumena îqlîmê ya bloka bûrjûwayan pêşniyar kiribû? Yan jî dê wek Centerpartiet'ê pêşniyar kiribû, bi 105 Öreyan bilindtir bikin?

Backirina wasiteyan gerek e bi şeweyekê ji nû ve bête danîn, ku ji bo rêvebirina karûbarên parastina jîngehê bibe xwedîtesîr. Em dixwazin baca wasiteyan ji bo otobusan bi 100 milyon Kronî kêmbikin. Em dixwazin karûbarên guhertina ji bo wasiteyên giran bi piştgiriyê demî hêsantir bikin. Her wisa jî em pêşniyara piştgiriyê ji bo paşguhertinên otomobîlên kesane dikin, ku gelek kes bikaribin jîngehdostane biajon.

- Jêdaxistina ROTê bi bonûseke zêde ya îqlîmê berfireh bikin û ROT ji bo pîrmalên malbatî jî bi kar bihênin.
- Sermayerazandineke mezin a dîrokî ji bo riyên hesinî û trafîka kollektîfî.
- Hêsanîkirina ji bo wasiteyên hem giran û hem jî sivik ku ew bi awayekî jîngehdostane biajon.

PERWERDE BÊHTIR KAR DIAFIRÎNE

Îroj li Swêdê bêhed pir kes hene ku karekî wan tune ye ku herinê. Ji ber vê jî, firma hene ku dixwazin xelkê bigirin kar, Lê belê nikanin kesê xwedî kompetensa pêdivî bibînin. Dîsan jî hikûmet ji xwe re diyar kiriye, ku perwerdeya ji bo mezinan ya Komvuxê û perwerdeyên bazara karî bide rawestandî û herweha bernameya avakirina xwendegeha bilind daye rawestandî. Çareyên ku dikaribûn pişgirîkê hel bike.

Zanyarî û zanebûn, rê ji pêşketin û serbestiyê re vedike û her wisa jî derfeta azadiyê dide. Pêwîstiya Swêdê bi hêzeke xebatê ya têzane û guherbar heye. Ji ber vê yekê ye em dixwazin sermayeyê bi awayekî berfireh li ser cihên pratîk û perwerdeyê razînin. Gava ku xelk hêsaniya karguhertinê dibînin, hingê gelek kes dikarin mercên kompetensî yên bazara karî binin cih. Ev pêwîstiyek e, ne ku hema ji holê rakirina rewşa bêkariyê ye, ji ber ku ew çareserkirina pîrsa hêza hevrikî ya pêşerojê ya Swêdê ye.

Gava ku firma dihên girtin û karûbar diçe derveyî welêt, hingê pir girîng e, ku xelk bikaribe bibe xwedî derfet, ku xwe perwerde bike yan jî xwe fêrî pişeyê nû bike. Swêd divê bikaribe hevrikiyê bi zanyariyê re bike – ne ku mûçe bêne kêmbikin. Em dixwazin sîgorteyê kompetensê ava bikin, ku ew derfetekê bide xelkê, da ku di jiyana xwe ya kar de bikaribin xwe fêrî pişeyê din bikin.

- Di xwendegeha bilind, xwendegeha bilind a pişeyî, xwendegeha ji bo mezinan û li perwerdeya bazara karî de gelek cihên nû.
- Sîgorteyê karî ya ji bo kompetensê ava bike.
- Divê Swêd reqabetê bi zanyariyê re bike ne ku mûçeyan kêmbike.

HELBET WEKHEVÎ

Pêşketin ber bi paş ve dihere. Hema ji hîlbijartina sala 2006an bi vir de ye, ku bac, ji jinan bêhtir ji bo mêran li ser %30î hatiye daxistin. Xerabtirbûna sîgorteyên ewletiyê, her wisa jî sîgorteya nexweşiyê li ser gelek jinan pir giran rûniştîye. Ji mêran pirtir, gelek jin bi aboriyeke xirab û bi encama hatineke xirab a dema karkenariyê, rojê nîvdan dixebitin. Gelek jin ji karê xwe yê sexbêriyê, xwendegehê, hatine derxistin û hîna gelek jinên din, dê ji ber kêmkirina alîkariya dewletê, ji karên xwe bêne derxistin. Dîsan jî, hikûmet alîkariyeke sexbêriyê daniye, ku tam li hember wekheviyê dixebite û herwisa jî, pere ji zarokxaneyan dikişîne.

Jin û mêr divêt bibin xwedî heman hêzê, ku hem jiyana xwe û hem jî civata xwe bi rêk û pêk bikin. Divêt Swêd di qada navneteweyî de her berdewam be û bibe nimûneyeke berçav ya pirsên wekheviyê. Loma divêt hem jin û hem jî mêr ji bo kar û kariyera xwe bibin xwedî heman derfetê. Gelek jin dixwazin bibin xwedî karên tamrojî, lê kes derfetê nade wan. Ji bo bêhtirkirina wekheviyê girîng e, ku mafê tamrojî kar kirin bête xurt kirin. Beşek mezin ji xebata ji bo têrûtijîbûna civakî, li dor kardayînen nîvdanî hatine bi rêk xistin. Sektora giştî, divêt berî her kesî, here û nîşan bide ku karê tamrojî dikare bibe rastî. Em dixwazin li Şaredarî û Meclîsa Wîlayetê, milyarek Kron sermaye razînin, da ku em ji bo peydakirina karên tamrojî bêhtir xîretê bikin.

Rêça xebateke fonksiyonel merc dibîne, ku divê hem jin û hem jî mêr bikaribin bixebitin – bêyî ku mirov hevjin be, yan jî dêbavên tenêmayî be, hingê sexbêriya zarokan hem ya êvaran û hem jî di tehtîlan de gerek e. Em dixwazin di dema xebata nerehet de jî, derfetê bidin dêbavan da ku em bikaribin hem jiyana dêbavtiyê û hem jî jiyana xebatê bikin yek.

Divê zarokxaneyê bi kalîteya rind ava be da ku zarok li wir dilxweş bin û dêbav pê xwe ewle hîs bikin. Ev yek ji bo civateke wekhev merca bingehîn e. Mixabin ku pêşketin ber bi hêleke nebaş ve diçe: Hejmara zarokan ya di koman de bêhtir û hejmara personelên jî kêmkirî. Em dixwazin bi rêya sermayerazandina li ser personelên di civata têrûtijî de û kalîteyê di zarokxaneyan de bi ewle kin.

- 1 milyar Kronên din ji bo peydakirina karên tamrojî li gelek şaredarî û meclîsên wîlayetê.
- Sexbêriya zarokan di demên kar ên nerehet de.
- Sermayerazandina li ser kalîteya di zarokxaneyê de.

TU JÎ KAREKÎ BIKE

Ne gerek e tu bibî endam yan jî pîsporekî siyasî bî, ku tu paşê bikaribî tevî karekî bibî. Yê girîng ew e, ku tu karekî bikî – biçûk yan mazin. Telefon bike, li cihê kar belavokan belav bike, rewşa Facebooka xwe biguherîne, di rojnameyekê de nivîsarekê binivîse, bi hîlbijêran re bipeyive yan jî li çend deriyan bixe.

HER YEKSER BIBE ENDAM!

Personnummera xwe bi SMSê binivîse û ji vê jimareyê re bişîne 72105, bihayê vê 100 kr e.



mojligheternasland.se